



REPUBLIKA E KOSOVËS / REPUBLIKA KOSOVA
REPUBLIC OF KOSOVO

QEVERIA E KOSOVËS / VLADA KOSOVA /
GOVERNMENT OF KOSOVA

Ministria e Punëve të Brendshme
Ministarstvo Unutrašnjih Poslova
Ministry of Internal Affairs

Departamenti i Inspektimit



Inspektorati Policor i Kosovës
Policijski Inspektorat Kosova
Police Inspectorate of Kosovo

Raport Nr:3/2012

**Vlerësimi i performances policore gjatë
ndërrimit të natës me 13 maj 2012, në Stacionet
Policore dhe NJTR.**



Maj 2012

P Ë R M B A J T J A

1. PËRMBLEDHJA EKZEKUTIVE

2. HYRJE

3. PËRSHKRIMI I OBJEKTIT DHE TË GJETURAT

3.1 Vlerësimi i kapaciteteve aktive gjatë ndërrimit të natës

3.2 Vlerësimi i planeve të patrullave për ndërrimin e natës dhe vlerësimi i nivelit të sigurisë së Stacioneve Policore- Komandave Regjionale

4. PËRFUNDIMET, REKOMANDIMET DHE PLANI I VEPRIMIT

4.1 Përfundimi

4.2 Rekomandimet

1. PËRMBLEDHJA EKZEKUTIVE

1.1 Me datë 13 maj- në mes të premtes dhe të shtunës- Inspektorati Policor i Kosovës ka zhvilluar një inspektim të jashtëzakonshëm lidhur me vlerësimin e performances policore gjatë ndërrimit të natës nga njësitë e Divizionit të Sigurisë Publike gjegjësisht nga Komandat Regjionale, Stacionet Policor dhe Njësitë e Trafikut Regjional.

1.2 Gjatë këtij inspektimi, Inspektorati Policor i Kosovës ka inspektuar gjithsej 34 stacione/njësi policore përfshi edhe gjashtë Komandat Regjionale. Kriteret e përdorura gjate këtij inspektimi kanë qenë elementare si; numri i policëve në ndërrim, numri i të graduarve, elementet bazë të sigurisë së njësive policore, elementet bazë të organizimit operativ dhe elementet bazë të organizimit administrativ.

1.3 Të gjeturat gjatë këtij inspektimi ishin shqetësuese dhe të papranueshme, në 34 stacione/njësi policore gjatë turnit të natës, nga numri i përgjithshëm i zyrtarëve policor sipas strukturave organizative të këtyre njësive të inspektuara vetëm 10.78% e zyrtarëve policor ishin aktivë apo nga 2586 zyrtarë policor vetëm 278 zyrtarë policor ishin aktive ne gjashtë Komanda Regjionale dhe 34 stacione/njësi policore, ndërsa nga personeli i graduar me gradën rreshter nga 281 rreshter vetëm 20 ishin aktive në këto njësi të inspektuara. Sa i përket vijës së mesme menaxhuese dhe vijës së lartë menaxhuese ku përfshihen gradat nga Toge e deri te Koloneli vetëm 2 Toger ishin aktiv gjatë këtij ndërrimi nga një total prej 152 Togerëve, 39 Kapitenëve, 10 Majorëve, 9 Nënkolonelëve dhe 2 Kolonelëve.

1.4 Edhe të gjeturat tjera ne aspektin e sigurisë bazë të stacioneve/njësive policore dhe elementet bazë të organizimit operativ dhe administrative ishin shqetësuese dhe të papranueshme p.sh. E gjetura e përgjithshme është se gjatë këtij inspektimi nga 34 stacione të inspektuara 12 stacione policore/njësi nuk kishin pasur roje të stacionit, Regjistër të hyrje-daljeve 5 stacione/njësi nuk i kishin këta regjistra, plane patrullimi nga 34 stacione/njësit- 23 nuk kishin fare plane patrullimi, librin e ankesave të qytetarëve nuk e posedonin 14 njësi të inspektuara, 9 njësi nuk posedonin raportin nga ndërrimi paraprak, 9 stacione/njësi janë vlerësuar me gjendje të keqe të sigurisë, 6 dhoma ndalimi nga këto 34 njësi të inspektuara janë vlerësuar me gjendje të keqe.

1.5 Inspektorati Policor i Kosovës duke analizuar këto të gjetura të këtij inspektimi konstaton se kjo gjendje rrezikon rendin dhe qetësin publike dhe ndikon negativisht në imazhin e Policisë së Kosovës dhe Institucioneve të Republikës së Kosovës dhe i rekomandon Drejtorit të Policisë së Kosovës që urgjentisht të reagoj duke aktivizuar të gjitha resurset e tij për ta ndryshuar këtë gjendje dhe duke bërë inspektime dhe auditime të shpeshta dhe duke shqiptuar masat e nevojshme disiplinore secilin që neglizhon punën e tij në kuadër të këtij institucioni kaq të rëndësishëm për sigurinë e vendit siç është Policia e Kosovës.

2. HYRJE

2.1 Me autorizim të Kryeshefit Ekzekutiv të Inspektoratit Policor të Kosovës, konform ligjit të Inspektoratit Policor të Kosovës neni 23 dhe 24, Inspektorati Policor i Kosovës ka zhvilluar inspektimin e jashtëzakonshëm në Divizionin e Sigurisë Publike mbi vlerësimin e performancës Policore të këtij divizioni gjatë ndërrimit të natës.

2.2 Qëllimi i këtij inspektimi të jashtëzakonshëm është që të vlerësohet dhe të konstatohet kryerja e detyrave policore gjatë ndërrimit të natës lidhur me performancën e policisë së Kosovës në ofrimin e sigurisë për qytetarët e vendit dhe në mbrojtjen e rendit dhe qetësisë publike.

2.3 Objektivat të cilat ka synuar t'i arrijë ky inspektim janë:

- Vlerësimi i kapaciteteve aktive gjatë turnit të natës.
- Vlerësimi i planeve të patrullave për ndërrimin e natës (a kanë planë të patrullave objektiva dhe detyra të qarta konform nevojave- specifike të rasteve, a janë të përfshira rrugët që do të mbulohen, pikat kontrolluese, lokalet e dyshimta dhe aktive gjatë natës që do të duhej vizituar apo prioritete tjera).
- Vlerësimi i nivelit të sigurisë së Stacioneve Policore- Komandave Regjionale (Rojet, ndriçimi, evidentimi i personave që hyjnë në stacion-regjion)

2.4 Inspektimi në këtë fushë të menaxhimit policor luan rol të rëndësishëm në:

- Përmirësimin dhe ngritjen e vazhdueshme të performancës së punonjësve në kuadër të Divizionit të Sigurisë Publike
- Përmirësimin e shërbimeve duke siguruar shkallë më të lartë të sigurisë për qytetarë
- Në ngritjen e profesionalizmit, disiplinës dhe përgjegjësisë së zyrtarëve policor që i janë të angazhuar në ndërrimin e natës për të qenë efektiv dhe efikas.
- Ngritjen e shkallës së sigurisë për pjesëtarët dhe pasurinë e policisë gjatë kryerjes së detyrave të tyre.

2.5 Vlerësimi i rrezikut duhet të jetë dydimensional:

1. Rreziku apo mundësia e hasjes së menaxhimit jo efektive gjatë kohës së inspektimit llogaritet si e madhe marr parasysh informatat paraprake që kemi nga qytetarët dhe mediet lidhur me mungesën e patrullimeve dhe ndjenjën e pasigurisë që qytetarët mund të kenë.
2. Duhet të llogariten pasojat që mund të i ketë Policia e Kosovës në rast të ndonjë aksidenti apo incidenti në rast të moskujdesit për pronën dhe pasurinë e policisë të cilën e menaxhon PK-ja

2.6 Periudha e mbulimit-inspektimit ka qenë data 13 maj 2012, Ndërrimi i natës (8 orësh) në

mes të premtes dhe të shtunës.

2.7 Metodologjia e përdorur gjatë këtij inspektimit ka qenë që përmes një inspektimi të jashtëzakonshëm dhe të papritur të vlerësohet preforma e Policisë së Kosovës në 34 njësi të Divizionit të Sigurisë Publike duke:

- Intervistuar punonjësit në ndërrimin e natës.
- Kontrolluar fizikisht i stacionet-regionet policore, autoparkun, qendrat e ndalimit, zyrave të intervistimit dhe hapësirave tjera, si dhe
- Kontrollimi i dokumentacionit me të cilin pasqyrohet e tërë puna e këtyre njësive duke përfshirë; oraret e ndërrimit, planet e patrullave, radiolet, librin e ankesave, raportin nga ndërrimi paraprak, regjistrin e hyrje-daljeve në stacion.

2.8 Përbërja e grupit të inspektimit ka qenë në përbërje të Inspektorëve dhe Hetuesve nga të gjitha departamentet e IPK-së të ndarë në 14 ekipe me gjithsej 32 Inspektor/hetues.

3. PËRSHKRIMI I OBJEKTIT DHE TË GJETURAT

3.1 Vlerësimi i kapaciteteve aktive gjatë ndërrimit të natës

3.1.1 Detyrat e përgjithshme të policisë janë të përcaktuara me ligjin për policinë të cilat janë: të mbrojt jetën, pronën dhe të ofroj siguri për të gjithë personat, të mbrojt të drejtat dhe liritë themelore të të gjithë personave, të parandaloj rrezikun ndaj qytetarëve dhe ta mbajë rendin dhe sigurinë publike, të parandaloj dhe t'i zbuloj hetoj veprat penale dhe kryesit e tyre, mbikëqyrë dhe kontrolloj sigurinë në komunikacion etj.

3.1.2 Përgjegjësia për sigurimin dhe ruajtjen e rendit dhe qetësisë publike në nivel regjional, sipas Strukturës Organizative të Policisë së Kosovës është Divizioni i Sigurisë Publike i cili shtrihet në tere territorin e Kosovës dhe ndahet në 6 Drejtori Rajonale ku përfshihen Stacionet Policore. Detyrat kryesore të këtyre Drejtorive Regjionale janë që përmes patrullimeve të rregullta dhe të planifikuara të bëhet parandalimi i krimeve, të sigurohet rendi dhe qetësia publike dhe të hetohen dhe gjurmohen aktivitetet kriminale.

3.1.3 Detyrat e njësive patrulluese janë të përcaktuara në Doracakun e Parimeve dhe Procedurave të Policisë së Kosovës, P-5.10 kapitulli III, pika D (Prishtinë 2009), ku thuhet;

- Njësi Policor patrullues ekziston pikërisht për të siguruar mbrojtjen e qytetarëve të Kosovës. Funkcionet e këtij shërbimi përfshijnë sa vijon por nuk kufizohen;
 - ✓ Të parandaloj paraqitjen e krimit në rrugë duke qenë gjithmonë prezent me shërbim patrullues;
 - ✓ T'u përgjigjet me efikasitet çdo rasti që urgjent kërkon intervenimin e shërbimit policor;
 - ✓ Për ngritjen e nivelit të parandalimit të krimit duke kryer hetime paraprake tërësore në vendin e ngjarjes;
 - ✓ Me zbatimin e përpiktë të ligjeve dhe rregulloreve në trafik të pengojë tollovitë në trafik dhe rreziqet e ndryshme;
 - ✓ Të intervenoj në raste të fatkeqësive të komunikacionit;
 - ✓ Ti ndihmoj viktimave dhe të hulumtoj shkaqet e aksidenteve;
 - ✓ Ti ndihmoj qytetarëve rreth problemeve ligjore, shëndetësore, sociale ose humanitare, duke intervenuar vetë ose duke i orientuar qytetarët tek agjencionet apo organizatat e caktuara për probleme të tilla; dhe
 - ✓ Të përforcoj bashkëpunimin me bashkësinë duke rritur kualitetin dhe kuantitetin e patrullave të Policisë.

3.1.4 Ky Divizion në kuadër të strukturës së saj ka të gjitha gradat komanduese dhe udhëheqëse dhe ka numrin më të madh të policëve në kuadër të Policisë së Kosovës dhe është bazamenti

kryesore i saj. Shumica dërrmuese e policëve të këtij divizioni janë policë patrullues dhe vija e pare e kontaktit me qytetare, performanca e tyre është matësi kryesor i performances policore.

3.1.5 Policët e këtij divizioni janë pjesë e njësive patrulluese nga të cilët kërkohet që të punojnë me orar të punës tre ndërrimesh,“ punët e të cilëve kërkojnë aplikimin e formës së punës me katër ekipe apo skuadra të policisë”¹.

3.1.6 Inspektorati Policor gjatë këtij inspektimi të jashtëzakonshëm ka bërë krahasimin e numrit të policëve sipas strukturës organizative te stacioneve dhe regjioneve dhe numrit të policëve aktive të gjetur nga Inspektorati Policore gjatë Inspektimit të jashtëzakonshëm, krahasimin e numrit të policëve aktive gjatë ndërrimit të natës dhe numrit të banorëve të cilat i mbulon njësia e caktuar dhe numrit të policëve dhe kilometrave katror të cilat i mbulon njësia e caktuar.

3.1.7 Inspektorati Policor gjatë këtij inspektimi të jashtëzakonshëm ka gjetur këtë gjendje për sa i përket numrit të policëve aktiv neper stacione policore gjatë ndërrimit të natës në mes të premtes dhe të shtunës me 13 maj 2012, e paraqitur ne tabelën nr 1.

3.1.8 Në këtë tabelë do të gjeni numrin e policëve sipas strukturës organizative në 34 stacione policore të inspektuara gjatë kësaj nate, numrin e policëve të gjetur në ndërrimin e natës 13 maj - në mes të premtes dhe të shtunës- në këto 34 stacione/njësi. Do të gjeni numrin e banorëve dhe kilometrat katror për secilën njësi dhe krahasimin në mes të numrit të policëve për kokë banori dhe numrin e policëve për kilometra katrorë.

3.1.9 Në kuadër të këtyre të gjeturave do të gjeni vetëm stacionet e inspektuara dhe vetëm të dhënat e këtyre stacioneve pa përfshirë nënstacionet e ndryshme në kuadër të nënndarjeve tjera organizative të strukturave të stacioneve. Sidoqoftë stacionet e inspektuara janë ato stacione të cilat janë të përqendruara në qendrat kryesore administrative të cilat kanë numrin më të madh të banorëve dhe hapësirën më të madhe për të mbuluar.

¹Doracaku i Parimeve dhe Procedurave (dhjetor 2009) P-3.14, (IV.A,B), Faq 132

Tabela nr 1

Numri dhe përqindja e policëve aktiv gjatë ndërrimit të natës ne stacionet policore me 13 maj 2012 dhe krahasimi i numrit të banorëve dhe kilometrave katror për policë								
	Stacioni/ Njësia	Numri i Policëve sipas strukturu rës ²	Numri i policëve ne ndërrimi n e natës ³	Përqindja aktive e policëve ne ndërrimin e natës ⁴	Numri i banorëve ne përgjegjësi te stacionit ⁵	Numri i policëve ne ndërrimin e natës për kokë banori ⁶	Kilometrat katror ne përgjegjësi te stacionit ⁷	Numri i policëve ne ndërrimin e natës për kilometër katror ⁸
DRP FERIZAJ								
1	STACIONI FERIZAJ	128	8	6%	108 690	1/13586	344.71	1/43
2	STACIONI KAÇANIK	58	6	10%	33 454	1/4181	290.79	1/48
3	STACIONI SHTIME	47	4	8.5%	27 288	1/6822	134	1/33.5
4	STACIONI SHTËRPC	52	5	9%	6 919	1/1383	247.24	1/49
5	NJËSIA E TRAFIKUT RAJONALE	55	4	7%			1017.14	1/254
DRP GJILAN								
6	STACIONI GJILAN	153	16	10%	90 015	1/5625	349	1/28
7	STACIONI KAMENICË	82	9	11%	35 600	1/3955	523	1/59
8	STACIONI VIII	78	7	9%	46 959	1/6708	300	1/42
9	STACIONI NOVOBERD	29	3	10%	6 720	1/2240	204	1/68
10	NJËSIA RAJONALE E TRAFIKU	67	6	9%			1505.24	1/250
DRP MITROVICË								
11	STACIONI JUGUT	137	10	7%	71 601	1/7160	331	1/33
12	STACIONI I VUSHTRRI	118	12	10%	69 881	1/5823	345	1/29.5
13	STACIONI SKENDERAJ	98	13	13%	51 317	1/3947	374	1/29

²ZP ne Stacionet Policore dhe NJRT, Shef i Administratës dhe Personelit te PK-se, DPP Prishtine, email e martë 2012-05-29 3:54 MD

³ Te gjeturat e Inspektoratit nga terreni gjate Inspektimit te Jashtëzakonshëm

⁴ Krahasime e numrit të policëve ne njësit policor te inspektuara dhe numrit te policëve ne ndërrimin e natës.

⁵ Numri i banorëve është marr nga Enti i Statistikave te Kosovës- nga rezultatet paraprake te regjistrimit te popullsisë me 2011 ne Kosovë- REKOS 2011- <http://esk.rks-gov.net/rekos2011/> (Këto rezultate edhe pse nuk janë finale, janë rezultatet e fundit te regjistrimit te popullsisë pasi qe regjistrimi i fundit ka qenë ne vitin 1981)

⁶ Krahasim i numrit te policëve ne ndërrimin e natës dhe numrit të banorëve për komunë te cilën e mbulon njësia.

⁷ Kilometrat katror për secilin Stacion Policor , Shef i Stafit të Drejtorit të Përgjithshëm Policia e Kosovës, email -Tuesday, May 29, 2012 3:06 PM; Vërejtje- numri i kilometrave katror nga kjo e dhenë nuk përputhet me totalin e kilometrave të Kosovës për 326 km, janë më shume.

⁸ Krahasim i numrit te policëve ne ndërrimin e natës dhe numrit të kilometrave katror te cilën e mbulon njësia.

14	NJËSIA E TRAFIKUT RAJONALE	75	10	13%			2048	1/204
DRP PEJË								
15	STACIONI PEJË	130	10	7%	95 723	1/9522	603	1/60
16	STACIONI GJAKOVË	107	17	16%	94 158	1/5538	586	1/34
17	STACIONI ISTOG	82	9	10%	39 294	1/4366	453.8	1/50
18	STACIONI DEQAN	54	5	9%	38 984	1/7796	371	1/74
19	STACIONI JUNIK	22	2	9%	6 078	1/3039	77	1/38
20	NJËSIA E TRAFIKUT RAJONALE	90	7	8%			2 398.8	1/342
DRP PRISHTINË								
21	STACIONI QENDRA	143	6	4%	198 214	1/7928	13.76	1/2km
22	STACIONI I VERIUT	105	8	7.5%	198 214	Totali i policëve nga tre stacionet	328	1/41
23	STACIONI I JUGUT	133	11	8%	198 214		44	1/4km
24	STACIONI PODUJEVË	85	6	7%	87 933	1/14655	630	1/105
25	STACIONI GLOGOC	84	6	7%	58 579	1/9763	275.5	1/46
26	STACIONI GRAÇANIC	52	7	13%	11 006	1/1572	300	1/43
27	STACIONI FUSHË KOSOVË	55	5	9%	34 718	1/6943	101	1/20
28	STACIONI LIPJAN	82	10	12%	57 474	1/5747	422	1/42
29	NJËSIA E TRAFIKUT RAJONALE	138	7	5%			2218.3	1/317
DRP PRIZREN								
30	STACIONI PRIZREN	164	17	10%	178 112	1/10477	608	1/35
31	STACIONI SUHAREKË	83	7	8.5%	59 702	1/8528	361	1/51
32	STACIONI RAHOVEC	63	6	9.5%	55 053	1/9175	282	1/47
33	STACIONI MALISHEVË	72	7	10%	54 664	1/7809	306	1/44
34	NJËSIA E TRAFIKUT RAJONALE	86	13	15%			2024	1/155
TOTALI		2586	279	10.78%	1.618.136	1/5799	10 884	1/39

3.1.10 Siç shihet edhe nga kjo tabelë numri i zyrtarëve policorë të angazhuar gjatë ndërrimit të natës të datës 13 maj ishte jashtëzakonisht i vogël dhe jo i mjaftueshëm për të zbatuar detyrat dhe përgjegjësit me të cilat ata janë të angazhuar.

3.1.11 Sipas këtyre të gjeturave në 34 stacione policore, mesatarja e policëve në ndërrim të natës ishte vetëm 10.78% e fuqisë policore të përcaktuar sipas strukturës. Nëse kjo krahasohet me numrin e banorëve për mbrojtjen dhe sigurinë e të cilëve janë përgjegjës këta polic i bie se 1 policë kishte përgjegjësinë që të kujdesej për 5799 banorë e cila as për së afërmi nuk i plotëson kushtet për një siguri për qytetarët e vendit. Nëse kësaj i shtohet edhe fakti se çdo patrullë policore përbëhet nga dy policë kjo tregon se kjo shifër e banorëve për policë do të dyfishohet.

3.1.12 Si e gjetur tjetër nga kjo tabelë del edhe kilometrat katrorë të cilat duhet ti mbuloj një polic. Sipas krahasimeve tona, mesatarja e kilometrave katrorë të cilat ishte dashur ti mbulonte një policë në natën e 13 majit- *mes të premtes dhe të shtunës*- ishte një polic për 39 kilometra katror. Edhe në këtë rast fakti se një patrullë mbulohet nga dy polic edhe kjo shifër dyfishohet duke arritur 78 kilometra katror që nëse këtë e përkthejmë në minuta i bie se nëse udhëtohet me shpejtësi prej 100 km në orë, e cila nuk është e lejuar në shumicën e rrugëve të Republikës së Kosovës, 78 kilometra kalohen për rreth 46 minuta, kohe kjo mjaft e madhe për ti ardhur ne ndihme një qytetari që mund të jetë viktime e ndonjë akti kriminal pa përfshi këtu aspektin e preventives .

3.1.13 Inspektorati Policor i Kosovës konkludon se gjendja e gjetur nga ky inspektim i jashtëzakonshëm është alarmante dhe e pa pranueshme, është në kundërshtim me parimin P-3.14 Orarin e Punës së zyrtarëve policor te angazhuar në patrullë dhe në kundërshtim me parimin 3.10 të Patrullimit me të cilat punon Policia e Kosovës.

Rekomandimi nr 1.

Inspektorati Policor i Kosovës i rekomandon Drejtorit të Policisë së Kosovës që menjëherë të inicioj inspektime dhe auditime të performancës së Drejtorive Regjionale lidhur me kapacitetet njerëzore të angazhuara gjatë ndërrimit të natës dhe të ndërmarr masa disiplinore ndaj Udhëheqësve të njësive përbërëse të tyre të cilët neglizhojnë parimet dhe procedurat e Policisë së Kosovës.

3.1.14 Inspektorati Policor i Kosovës, gjatë këtij inspektimi ka gjetur se edhe performanca e personelit të graduar të cilët duhet të jenë bartësit kryesorë dhe shembujt e policimit të mirë në natën e 13 majit kishte dështuar plotësisht duke parë se numri i personelit të graduar aktivë gjatë ndërrimit të natës ishte minimal dhe shqetësues.

3.1.15 Sipas parimeve dhe procedurave të Policisë së Kosovës, gjegjësisht parimit P-3.31, 3.32,3.33, 3.34, 3.36, 3.37, ku përshekruhen detyrat dhe përgjegjësitë nga grada e rreshterit e deri te grada e kolonelit, pika e përgjegjësisë, përgjithësisht tek të gjithë, ku thuhet se; grada e

caktuar duhet t'u ofroj ndihmë menaxhuese udhëheqësve më të ulët dhe të sigurojë se të gjitha kërkesat operacionale dhe administrative realizohen në mënyrë profesionale dhe efikase.

3.1.16 Gjatë analizimit të të dhënave, Inspektorati Policor ka gjetur se edhe pse kishte një numër të mjaftueshëm të personelit të graduar sipas strukturës organizative ata ne shumicën e stacioneve policore si "Udhëheqës të ndërrimit" kishin Oficer Policor i cili nuk posedon trajnimin e duhur për të menaxhuar me një ndërrim dhe është i barabartë edhe nga trajnimet edhe nga grada me kolegët e tjerë Oficer Policor. Investimet të cilat ka bërë Policia e Kosovës në trajnime dhe përgatitje të personelit të graduar ka qenë me qëllimin që ata të jenë shembuj dhe përkrahje për policët tjerë. Personeli i graduar natën e inspektimit përgjithësisht nuk ishin aktiv gjendej kjo që do të ilustruhet më konkretisht në tabelën nr 2.

3.1.17 Siç do të shihet nga tabela nr 2, nga 481 rreshter policor që kanë gjashtë Drejtoritë Rajonale të Policisë së Kosovës vetëm 20 rreshter kanë qenë aktivë në 34 stacione/njësi policore përfshirë edhe Komandat Regjionale, 461 rreshter policor nuk kanë qenë në detyrë apo 96 % e totalit të rreshterëve. Me gradën toger gjatë natës së 13 majit nga 154 toger në 6 Drejtori Regjionale dhe 34 Stacione Policore në detyrë kanë qenë vetëm 2 toger, 1 në Ferizaj dhe 1 në Pejë.

3.1.18 Ajo çka është shqetësuese dhe alarmante është se nga grada e Kapitenit e deri te grada e Kolonelit asnjë nga këto grada nuk ishte në detyrë gjatë ndërrimit të natës së 13 majit në mes të premtës dhe të shtunës.

Rekomandimi nr 2.

Inspektorati Policor i Kosovës i rekomandon Drejtorit të Policisë së Kosovës që menjëherë të inicioj inspektime dhe auditime të performancës së Drejtorive Regjionale lidhur me kapacitetet Udhëheqëse- Gradave të angazhuara gjatë ndërrimeve të natës dhe të ndërmarr masa disiplinore ndaj Udhëheqësve të të gjitha niveleve të cilët neglizhojnë parimet dhe procedurat e Policisë së Kosovës.

Tabela nr 2

Numri i personelit te graduar te cilët kanë qenë aktivë gjatë natës së inspektimit																		
	Rreshter			Toger			Kapiten			Major			Nënkolonel			Kolonel		
	Totali ⁹	Aktiv	Pasive	Totali	Aktive	Pasive	Totali	Aktive	Pasive	Totali	Aktive	Pasive	Totali	Aktive	Pasive	Totali	Aktive	Pasive
DRP-Prishtine	107	4	103	28	0	28	9	0	9	3	0	3	1	0	1	0	0	0
DRP-Mitrovice	66	3	63	24	0	24	6	0	6	2	0	2	2	0	2	0	0	0
DRP-Peje	92	1	91	31	1	30	4	0	4	1	0	1	2	0	2	1	0	1
DRP-Prizren	109	6	103	23	0	23	10	0	10	3	0	3	2	0	2	0	0	0
DRP-Gjilan	72	5	67	31	0	31	7	0	7	1	0	1	2	0	2	1	0	1
DRP-Ferizaj	35	1	34	17	1	16	3	0	3	0	0	0	0	0	0	0	0	0
Totali	481	20	461	154	2	152	39	0	39	10	0	10	9	0	9	2	0	2

⁹ Totali I gradave është nxjerr nga Raporti Javor i Policisë së Kosovës “Personali sipas gradave” me datë 24.05.2012 ndërsa shifrat Aktiv dhe Pasive janë rezultate nga inspektimi.

3.2 Vlerësimi i planeve të patrullave për ndërrimin e natës dhe vlerësimi i nivelit të sigurisë së Stacioneve Policore- Komandave Regjionale

3.2.1 Inspektorati Policor i Kosovës gjatë këtij inspektimi ka inspektuar edhe një mori pikash të cilat janë themelore për një shërbim efikas ndaj qytetarëve dhe ndaj shtetit të Republikës së Kosovës. Si pika të cilat janë kontrolluar edhe fizikisht nga Inspektorati Policor i Kosovës kanë qenë; Prezenca e rojës së stacionit, Regjistri i hyrje-daljeve, Oraret e ndërrimeve, Radiologet, Librat e ankesave, Raportet nga ndërrimet paraprake, Vlerësimi i sigurisë së objekteve policore, Vlerësimi i qendrave të ndalimit. Në paragrafët vijues do të paraqesim te gjeturat për secilën pikë veç e veç duke shpjeguar kriteret e vlerësimit dhe të gjeturat dhe do të paraqesim te gjeturat edhe në formë tabelore në tabelën nr 3.

3.2.2 Roja e stacionit është elementi bazë i sigurisë së një stacioni policor i cili ka për detyrë që të kujdeset për sigurinë e gjithëmbarshme të njësisë në të cilin ai shërben dhe ai duhet të kujdeset për regjistrin e hyrje-daljeve në stacion duke u përkujdesur që siguria e njësisë mos të vihet në pyetje asnjëherë. Kriteri i vlerësimit gjatë këtij inspektimi ka qenë vetëm të konfirmohet prezenca e rojës së stacionit me po ose jo. E gjetura e përgjithshme është se gjatë këtij inspektimi nga 34 stacione të inspektuara 22 stacione policore/njësi kishin pasur roje të stacionit ndërsa 12 jo.

3.2.3 Regjistri i hyrje-daljeve është evidenca themelore e cila shërben për të identifikuar të gjithë ata të cilët në një mënyrë apo tjetër kanë pasur qasje në objektet e njësive policore dhe arsyen e vizitës. Siç dihet qasja në ambientet e policisë duhet të jetë e kufizuar duke marrë parasysh ndjeshmërinë e punës policore. Kriteri vlerësues gjatë këtij inspektimi ka qenë që të vërtetohet fizikisht se a ekzistojnë këta Regjistra të hyrje-daljeve apo jo. E gjetura e përgjithshme gjatë këtij inspektimi ishte se nga 34 stacione policore/njësi, 29 stacione kishin këto regjistra ndërsa 5 nuk i kishin.

3.2.4 Oraret e ndërrimeve janë mekanizma të cilët udhëheqësit përdorin për të organizuar burimet e veta njerëzore për punë duke u kujdesur që të drejtat e tyre të punës të respektohen si dhe objektivat organizative të arrihen. Kriteri vlerësues edhe në këtë pikë ka qenë i thjeshtë, vetëm të konfirmohet se a kanë orare zyrtare të ndërrimeve apo jo, nga 34 stacionet e inspektuara 33 kanë pasur oraret e tyre vetëm një stacion nuk ka pasur fare orar.

3.2.4 Planet e patrullave ndërlidhën drejtpërsëdrejti me parimin P-5.10 Patrullimi, parim ky i cili rregullon punën e njësive patrulluese dhe si dhe detyrat dhe përgjegjësitë e udhëheqësve dhe personelit tjetër të këtyre njësive. Ky parim parasheh formën e veprimit dhe rrethanat operative të planifikimit të detyrave dhe përgjegjësive të njësive patrulluese të cilat duhet të mishërohen në një planë të patrullave për secilën njësi. Kriteri vlerësues edhe për këtë pikë ka qenë i thjeshtë që vetëm të vlerësohet se a kanë njësitet patrulluese plane të cilat i udhëheqin zyrtarët policorë në detyrë që detyrat e veta ti kryejnë në bazë të një planifikimi paraprak

operativ. Të gjeturat nga terreni gjatë këtij inspektimi të jashtëzakonshëm janë shqetësuese, nga 34 njësi/stacione policore të cilat e kanë për detyrë patrullimin vetëm 11 stacione/njësi kishin plane të tilla kurse 23 stacione/njësi nuk kishin fare plane patrullimi.

3.2.5 Radiologet janë evidenca të komunikimit të patrullave, ato janë sistemi nervor i këtyre njërive, aty evidentohen të gjitha komunikimet zyrtare të zyrtarëve në terren. Kriteri vlerësues edhe në këtë pikë ka qenë vetëm konfirmimi i mbajtjes apo jo mbajtjes së kësaj evidence aq të rëndësishme të punës policore. Edhe në këtë pikë Inspektorati Policor i Kosovës ka gjetur se 3 nga këto 34 njësi nuk kanë pasur fare radiolog.

3.2.6 Libri i ankesave është instrument zyrtarë të cilin duhet ta kenë çdo njësi policore për të evidentuar ankesat e supozuara të cilat i kanë qytetarët e Kosovës për të cilët punon dhe paguhet Polica e Kosovës. Edhe në këtë pikë kriteri vlerësues ka qenë mbajtja apo jo e këtij libri gjatë ndërrimit të natës, pasi ky libër duhet të jetë në posedim 24 orë për të gjitha ndërrimet. E gjetura në këtë pikë ishte se nga 34 njësitë/stacionet 20 kishin këtë libër kurse 14 nuk posedoni këtë libër.

3.2.7 Raporti nga ndërrimi paraprak është dokumentim i gjendjes së më hershme apo e ndërrimit paraprak i cili kërkon vazhdueshmëri nga ndërrimi tjetër për të qenë i informuar dhe për të vazhduar me punë aty ku ka mbetur ndërrimi paraprak me planifikim të mbështetur në situatën pararendëse. Kriteri vlerësues ishte posedojnë ose nuk posedojnë raportin e ndërrimit paraprak. E gjetura ishte se nga 34 stacione/njësi të inspektuara 25 kishin këtë raport ndërsa 9 nuk kishin në dispozicion këtë raport nga ndërrimi paraprak.

3.2.8 Siguria e objektit ku ishin të vendosura stacionet/njësitë policore, përveç rojës së stacionit duhet të kenë në konsideratë edhe një mori faktorësh tjerë të cilët ndikojnë në sigurinë e personelit, pronës dhe dëshmime të Policisë së Kosovës. Kriteret vlerësuese edhe në këtë pikë kanë qenë të natyrës elementare si ndriçimi përreth stacionit/njësisë, dritaret e përforcuara me grila, rrethojat e objektit, pozita e objektit, lehtësia e qasjes së pakontrolluar. Vlerësimet e inspektoratit policore janë ndarë në tri nivele të sigurisë; mire, mjaftueshëm dhe keq. Këto vlerësime nuk kanë qenë të detajuara por japin tregues për gjendjen e përgjithshme të sigurisë së këtyre objekteve tregojnë se ku duhet të ketë një rivlerësim nga Policia e Kosovës.

3.2.9 Te gjeturat në këtë pikë janë se nga 34 stacione /njësi 13 janë vlerësuar në gjendje të mirë të sigurisë 13 në gjendje mesatare të sigurisë ndërsa 9 në gjendje të keqe të sigurisë ku kërkohet që të intervenohet menjëherë për përmirësimin e gjendjes, stacionet me gjendje të keqe të sigurisë ishin; Trafiku Regjional Pejë, Stacioni Junikut dhe Istogut, Stacioni Veriu Prishtinë, Stacioni Podujevë, Stacioni Fushë Kosovë, Trafiku Regjional Fushë Kosovë dhe Stacioni Policor Drenas.

3.2.10 Qendrat e Ndalimit janë pika të ndjeshme ku policia mbanë qytetarët e privuar nga liria dhe si të tilla kanë një ndjeshmëri të lartë ku rreziku i ikjes së të arrestuarve apo edhe abuzimit me të liritë dhe të drejtat e njeriut nga zyrtarët policor është i lartë. Si i tillë Inspektorati Policor ka vendosur që në kuadër të këtij inspektimi të jashtëzakonshëm dhe të limituar në kohë të bëjë një inspektim elementar edhe të këtyre Qendrave të Ndalimit. Si kriteret vlerësimi janë përdorur prezenca e zyrtarit përgjegjës për Qendrën e Ndalimit, mirëmbajtja fizike e këtyre qendrave të ndalimit, siguria e tyre, lehtësia e qasjes në këto hapësira. Nga 34 stacione/njësi vetëm 21 prej tyre posedonin Qendra të Ndalimit ndërsa prej tyre 7 janë vlerësuar se janë në gjendje të mirë, 8 mjaftueshëm ndërsa 6 janë konsideruar se janë në gjendje të keqe, me gjendje të keqe janë kategorizuar këto qendra ndalimi në këto stacione; Pejë, Istog, Drenas, Vushtrri, Shterrbce dhe Kaçanik.

Rekomandimi nr 3.

Inspektorati Policor i Kosovës i rekomandon Drejtorit të Policisë së Kosovës që menjëherë të inicioj inspektime dhe auditime të performancës së Drejtorive Regjionale lidhur me elementet bazë të sigurisë së objekteve policore, patrullimit si planet e patrullave dhe oraret e tyre, komunikimin dhe mjetet për sigurimin e të drejtave të njeriut si libri i ankesave dhe gjendja e dhomës së ndalimit në baza rutinore dhe në ndërrime të ndryshme me qëllim të përmirësimit të gjendjes duke marr masa disiplinore pa kompromis ndaj secilit që dështon në këto kriteret bazë të policimit.

Tabela nr 3

Rezultatet e pikave te inspektuara gjatë inspektimit të jashtëzakonshëm																					
Pikat vlerësimite A keni....		Roje te Stacionit		Regjistë r te Hyrje-Daljeve		Oraret e ndërrimeve		Planet e Patrullave		Radiologjet		Libri i Ankesave		Raporti nga ndërrimi paraprak		Siguria e Objektivit			Gjendja e qendrave te ndalimit		
Drejtorit Regional të Policisë së Kosovës	Numri i Stacioneve të Inspektuara	Po	Jo	Po	Jo	Po	Jo	Po	Jo	Po	Jo	Po	Jo	Po	Jo	Mire	Mjaftueshëm	Keq	Mire	Mjaftueshëm	Keq
DRP-Prishtine	9	3	6	7	2	9	0	1	8	7	2	4	5	4	5	0	4	5	1	2	1
DRP-Mitrovic e	4	4	0	4	0	4	0	3	1	4	0	4	0	4	0	3	1	0	0	1	1
DRP-Peje	6	4	2	5	1	6	0	3	3	6	0	4	2	5	1	2	1	3	1	1	2
DRP-Prizren	5	5	0	5	0	5	0	1	4	5	0	3	2	4	1	4	1	0	3	1	0
DRP-Gjilan	5	1	4	3	2	4	1	1	4	5	0	4	1	4	1	1	3	1	1	2	0
DRP-Ferizaj	5	5	0	5	0	5	0	2	3	4	1	1	4	4	1	2	3	0	1	1	2
Totali	34	22	12	29	5	33	1	11	23	31	3	20	14	25	9	13	13	9	7	8	6

4. PËRFUNDIMET, REKOMANDIMET DHE PLANI I VEPRIMIT

4.1 Përfundim

4.1.1 Siç e cekëm edhe më lartë, qëllimi i këtij inspektimi të jashtëzakonshëm është që të vlerësohet dhe të konstatohet kryerja e detyrave policore gjatë ndërrimit të natës lidhur me performancën e policisë së Kosovës në ofrimin e sigurisë për qytetarët e vendit dhe në mbrojtjen e rendit dhe qetësisë publike duke vlerësuar disa pika bazë të performancës policore.

4.1.2 Inspektorati Policor i Kosovës konsideron se sipas të gjeturave të sajë gjatë natës së inspektimit është së Policia e Kosovës gjegjësisht Divizioni i Sigurisë Publike me gjashtë Drejtorit Regjionale të sajë kishte një performance shumë të dobët në fushat e inspektuara.

4.1.3 Dobitë e gjetura ndërlidhen me një dështim në lidhshpërfaqë e saj të cilët kanë dëshmuar një neglizhencë të madhe në zbatimin e parimeve dhe procedurave mbi patrullimin dhe oraret e tyre ku sipas të gjeturave kemi hasur në një numër shumë të vogël të zyrtarëve policor të graduar dhe të pa graduar të cilët ishin të angazhuar në ndërrimin e natës, në natë e inspektimit. Ajo që ishte më së shumti brengosëse ishte mungesa aq e madhe e personelit të graduar të cilët janë të obliguar dhe përgjegjës për të mos lejuar një gjendje të tillë.

4.1.4 Kjo neglizhencë dhe jo profesionalizëm gjatë natës së inspektimit ka vënë në rrezik qytetarët e Kosovës të cilët gjatë asaj nate kanë mundur të jenë viktimat të kriminit apo ndonjë aksidenti apo incidenti të çfarëdo natyre. Kapacitete njerëzore të angazhuara atë natë ishin aq të pamjaftueshme sa që jo vetëm që nuk kanë qenë në gjendje që të siguronin qytetarët e vendit nga krimi por ato nuk kanë qenë në nivelin e duhur dhe kanë rrezikuar edhe pronën dhe sigurinë e vet zyrtarëve policore.

4.1.5 Ato kapacitet njerëzore që ishin atë natë nuk ishin të organizuara ashtu siç kërkohet me parimet dhe procedurat dhe rregullat tjera të policimit duke pasur lëshime të mëdha si në aspektin operativ po ashtu edhe në aspektin administrative.

4.1.6 Inspektorati Policor potencon me forcë se një gjendje e tillë nuk duhet të tolerohet por kjo gjendje duhet të ndryshoj sa më shpejt duke rekomanduar Drejtorit të Policisë që sa më shpejt të ndërmerri masa ndaj këtyre lëshimeve duke vënë në funksion inspektime dhe auditime të shpeshta në këtë divizion, të rregullta dhe të jashtëzakonshme, dhe duke ndërmarr masat e duhura disiplinore ndaj çdo shkelje që mund të haset.

4.1.7 Inspektorati Policor i Kosovës i merr shumë seriozisht këto të gjetura dhe ne të ardhmen do të organizoj edhe inspektime tjera të kësaj fushe të cilat do të jenë edhe më të detajuara dhe më të fokusuar në burimet e këtyre problemeve, në menaxhimin e këtyre njësive aq të rëndësishme për ruajtjen e rendit dhe qetësisë publike për qytetarët dhe shtetin e Kosovës.

4.2 Rekomandime

1. *Inspektorati Policor i Kosovës i rekomandon Drejtorit të Policisë së Kosovës që menjëherë të inicioj inspektime dhe auditime të performancës së Drejtorive Regjionale lidhur me kapacitetet njerëzore të angazhuara gjatë ndërrimit të natës dhe të ndërmarr masa disiplinore ndaj Udhëheqësve të njërive përbërëse të tyre të cilët neglizhojnë parimet dhe procedurat e Policisë së Kosovës.*
2. *Inspektorati Policor i Kosovës i rekomandon Drejtorit të Policisë së Kosovës që menjëherë të inicioj inspektime dhe auditime të performancës së Drejtorive Regjionale lidhur me kapacitetet Udhëheqëse- Gradave të angazhuara gjatë ndërrimeve të natës dhe të ndërmarr masa disiplinore ndaj Udhëheqësve të të gjitha niveleve të cilët neglizhojnë parimet dhe procedurat e Policisë së Kosovës.*
3. *Inspektorati Policor i Kosovës i rekomandon Drejtorit të Policisë së Kosovës që menjëherë të inicioj inspektime dhe auditime të performancës së Drejtorive Regjionale lidhur me elementet bazë të sigurisë së objekteve policore, patrullimit si planet e patrullave dhe oraret e tyre, komunikimin dhe mjetet për sigurimin e të drejtave të njeriut si libri i ankesave dhe gjendja e dhomës së ndalimit ne baza rutinore dhe ne ndërrime të ndryshme me qëllim të përmirësimit të gjendjes duke marr masa disiplinore pa kompromis ndaj secilit që dështon ne këto kritere bazë të policimit.*